

立賣杜根田契人詹來懷。有承祖父支分應分田壹段陸分零，坐址三角潭仔庄后。東至牛埔圳爲界；西至沈家、鄭家田爲界；南至圳仔爲界；北至詹家田爲界。四至界址分明。年載□業主張□租谷伍石零。今因乏銀別創，情愿出賣，先盡問不受，外托中引到三角潭庄陳日興觀前來承買，全中三面議定時值□契銀柒拾貳大員正。其□□□全中交收完足，其田隨即踏明界址，付日興觀前去掌管耕作，永爲子孫己業。一賣千休，日后亦不敢言找贖，異言生端滋事。並無拖欠業主大租車工水銀等項。如有，係懷自當。保此田係懷支分應分，與他人無干，亦與重張典掛爲碍。此係二比甘愿，兩無抑勒。今欲有憑，立賣杜根一紙，付執存炤。

批明：即日收過契內銀完足，再炤。

爲中 吳露（花押）

陳响（花押）

代書 詹來勳（花押）

詹來懷（花押）

立賣杜根契

乾隆叁拾玖年拾月 日



□后再批明上手大契承買陳家係郭安來收執